

magnopere prodest canis rabiosi morsibus, rimas pedum sedisq; perniunculos & carcinomata, cum decocto melle lentit. Triti crudi, potiusque ex asinino lacte auxiliantur contra serpentum phalangiorumq; morsus, atq; scorpionum ictus. Decocti autem, & cum jure esitatis, iis profunt, qui tabe conficiuntur, aut leporem marinum haulerunt. Triti, tela ac spicula e corporibus detrahunt, si illis superponantur. *Discor. & Mizaldus.*

Cancrorum fluvialium calcinatorum ad albedinem cinis adversus morbum canis rabidi laudatur. *Quercet.*

RANAE vulgaris notitia sunt. * Contra omnium serpentum venena pro antidoto sunt, si ex sale & oleo vel butyro edantur; jusq; earum itidem sorbeat: contra inveteratos tendinum rigores pollent. Illicis earum cinis, profluentis sanguinis impetus sistit: explendis alopeciarum inanitatibus ex liquida picis illinitur. Inducit etiam vini fastidium rana viridis, ex iis, quae in fontibus saliant, si viva in eo suffocetur. *Disco. & Mizaldus.*

De aëris & volatilibus.

HIRUNDINES, uti siccula, * in cibo, acievisus medicamentum praebent. Tam pullorum, quam matrum in fictili olla crematarum cinis cum melle oblitus, oculis claritatem adfert: anginae eo commodè perunguntur: uvæ & tonsillarum inflammationibus hoc cinere succurritur. Et ipsæ, & pulli exiccati, si drachma pondere ex aqua bibantur, hos juvant, qui anginae morbo consistantur. *Discor.*

Hirundinum aqua epilepticis confert. *Quercet.*
GALLUS ad jus purgatorium eligatur rufus plurimum, annosus, sed tamen adhuc ad motum, pugnam, coitum alacer & in dimicando validus, macri & pinguis medius, hoc est, benè carnosus. Talis autem gallus fursure Galeo nutritus, aliis etiam melle & pauco sale, plurimum fatigetur, vel à nobis venantibus, vel potius dimicando decapitatus, & exenteratus, cum sale, aut sale gemmae, igne lento, aqua sufficiente coquatur ad duarum aquarum partium consumptionem, aliis atque aliis simul in coctis, pro variis Medicorum scopis. *Medici Colonienfes.*

GALERITA, avicula est parva, apicem in vertice, pavonis modo gestans. * Hæc assa, & in ci-

bo sumpta, coliacos adjuvat. *Discovides.*

LOCUSTAE omnibus notæ. * Odoris suffusus urinæ difficultates adjuvant, praesertim quæ feminas malè habent. *Discor.*

CICADA passim in Italia cognoscuntur, atque adeo inibi vulgaris notitia sunt, ut sæpeestate assiduo cantu messorum, agricolarum, ac viatores in campestribus obtundant. * Quæ si in illata manduntur, vesicæ doloribus profunt. Siccis quidam utuntur ad colicos affectus, cum paribus numero pipæris granis, dantq; aut tres, aut quinque, aut septem, per intermissionem felicitet, & ipsos etiam paroxysmos. *Discor. & Galenus.*

CANTHARIDES officinis notæ sunt. Probantur in frumento inventæ, v. r. colores, & quæ luteas in aliis transversas lineas habent, corpore oblongo. Cribro aut fictili vase conduntur, cujus os raro lineo subligatum deorsum vertitur, ut excepto halitu acetii quàm acerrimi ferventis aestu exanimetur. Postea siccantur, & pyxidibus ligneis, aut fictilibus vitratis reponantur. Biennium durant. * In remediis externis, tum iis quæ vesicæ excitant, tum aliis interdum totæ sumuntur. Recentiores autem alas & pedes auferunt semper. *Florentini.*

COLUMBORUM pulli occulta proprietate renum dolori conferunt, & incorruptum sanguinem emendant: sed dum interficiuntur, capite truncari debent. Eorundem carnes succubitate habent sanandi tenesmus, quem cucurbita frequenter comest generare solet. *Rhassus.*

PASSER *CULUS* troglodytes vocatus, qui omnium avicularum, excepto Regulo, minimus spectatur, & juxta sepes ac muros vicium quarrit, volatumq; perbreve facit, naturale in vim admiratione dignam habet. Sale enim conditus, ac crudus in cibo acceptus, concretos calculos lotio expellit, & ne renascantur, prohibet, ac morbum perfecte sanat. Conditur optimè pennis evulsis, atque inde largo sale adobrutus, arefactus comeditur. Stipules adfuerint, coqui possunt more altarum avicularum. Possunt etiam non de plumis uti in olla aperta, & cinis unius aesti cum pauco pipere & cinnamomo exhiberi. Sunt, qui vivum pennis prævulsis sale condiant, quod melius est. Alii affatos edunt integros, ita ut nihil ex eis præter pennas abiciant. *Acrinus, & Arginus.*

De Animalibus venenosis, Sectio XX.

QUIBUS datæ sunt *CANTHARIDES*, signa eveniunt gravissima. Ab ore enim ad vesicam usq; cuncta erodi sentiuntur: picam aut simile quiddam cedrie respiciunt: dextra præcordia inflammantur: urinam agrè reddunt, & subinde cum lotio sanguinem emittunt: strigmenta non secus, atq; dysentericis, alvo deferuntur: fastidia urgent: animo liquantur, obortaq; vertigine cœcidunt: postremo mente abalienantur. * Ergo antequam tale nonnihil accidat, dato oleo, aut supradictorum aliquo, vomere co-

gantur: mox ubi vomitione plurima rejecerunt, halicæ, aut oryza, tragi aut pitifana cremor, aut decoctum malva, aut feminis lini, aut fenigræci, aut radicem althææ, clystere infundatur. Præterea nitrum eisdem dandum ex hydromelite, at quæ stomacho adhuc, aut intestinis adhærent, eluendo excernantur, ac descendant. *Quæ nisi sic disculantur, ingesta in alvum ex nitro aqua multa vacuari debent.* Detur deinde vinum, aut passum, in quo pineoli nuclei, aut cucumeris semina contrita sunt, aut ex lacte, aut mulla, aut an-

serinus

serinus adeps in passo liquefactus. Inflammatae autem partes, hordei farina cum mulla decocta perungantur. Ab initio admota cataplasmata nocent, quod citatus ab eis calor, illapsus virus ita remoratur, citò in principes se partes infirmet: ipsa tamen interjecto tempore, molestissimis inflammationibus opitulatur, utpote quae dolores & permulceant, & leniant. Tum ubi corpus calfaciente oleo inunctum fuerit, in solum descendere oportet, ac lavare, ut per cutem summam, quae corpori noxia inhaerent, etiam excernantur. Et dejectiones multifariam moliri oportet, ne affectus infigatur, & stabilitatem capessat. Gallinaceis carnibus, & hœdinis aut suillis, catulis maxime pinguibus, & tenerimis, ac cum lini semine coctis, vesci debent: siquidem alvum cient, atque venenorum acrimonias hebeant. Vinum dulce liberalius ebibatur. Prodest thuris cortex, & Samia terra, si quaternae singulorum drachmae cum passo sumantur: item pulegium ex aqua tritum: irinum aut rosaceum cum ruta decocto: recentes vitis ramuli, cum passo detriti. Longè omnium potentissimè antidota auxiliantur, cum aqua mulla, drachmis quatuor pota. *Discozides.*

Is, qui ERUCAS PINORUM hauserint, illi cò dolor in ore & palato exoritur: vehemens alvi, lingua, ac stomachi inflammatio torquet: intestina dolor excruciat, ita ut pruriginem sentire videantur: corpus totum exarsuat: fastidiu urget. * Quibus est succurrendum remediis, quae devoratis cantharidibus dantur. Peculiariter tamè pro simplici oleo & irino, melinum, quod e cotoneis pomis & oleo temperatur, accipimus. *Discozides.*

Qui BUPRESTIN biberunt, non dissimile nitro virus sapiunt: stomachi, ventrisque vehemens dolor insequitur: tam venter, quam stomachus mirum in modum, ut in aqua inter cutem distillatus, inturgescit. Univerſa corporis facies contenditur: urina supprimitur. * Quibus eadem, quae potis cantharidibus auxiliantur. Privatim post vomitus & vacationes, quae clysteribus molimur, aridæ ficus profunt: item earum decoctum, ex vino. Ubi verò jam ferè pericula inclinantur, Thebaicarum palmarum cibo, aut earundem tritarum in multo aut lactis potu juvantur. Pyrorum etiamnum omne genus esse, & lac humanum bibere convenit. *Discozides.*

Si SALAMANDRAM hauserunt, linguae inflammatio consequitur: mens & sermo praepeditur: tremor cum torpore, aut horrore quodam, ac exolutione accedit: partes nonnullae corporis livoribus circumquaque sugillantur: saepeque diutius immorante veneno, putrescentes desolantur. * Quibus praestabimus cuncta, quae potis cantharidibus, Peculiariter verò remedia, resina, pinus, aut galbanum ex melle linctum, & ajugæ decoctum, in quo nuclei pinei conterantur: urticae quoque folia, cum liliis & oleo decocta. Proſunt etiam ova testudinis marinae, aut terrestres cocta: item ranarum jus, cum quibus eryngii radix incocta sit. *Discozides.*

Qui LEPOREM MARINUM biberunt, piscium virus olent: procedente tempore, alvus dolo afficitur, & urina sistitur: & si quando eam reddere contingat, purpureum colorem refert: omne piscis genus averſantur & odio habent: fetido ac gravi sudore manant: bilioſus vomitus, interdum sanguini promiscuus, subsequitur. * His dandum lac asinum, vel passum continuè, aut radicis malvæ foliorumque decoctum, aut trita cyclamini radix cum vino, aut veratri nigri, aut scammonii succi drachma, cum aqua mulla, puniciq; mali acinis. Cedria contrita cum vino efficax est: asferinus sanguis, ut tepebit, potus. Sed cum pisces omnes respuant aspernenturq; solis fluvialibus cancris vesci possunt, bibuntq; eos admisso vino, adjutiq; ab his percoquant: cumq; appetere & comesse pisces ceperint, suæ salutis indicium habent. *Discozides.*

KUBETA, aut RANA PALUSTRIS assumpta tumores ciet: pallor corpus vehementer decolorat, ut planè buxum spectetur: spirandi difficultas torquet, & gravis halitus oris, singultusque: invita interdum genitura profusio consequitur. * Adjuvantur secundum vomitionem, multo meri potu, & arûdinis radicis binis drachmis, aut cypeti totidem. Breviter, cogendi sunt, ut vehementi ambulationi & cursui se credant, ob torporem, quo corripuntur, quinetiam quotidie lavandi sunt. Caterum pulvis ruberæ aridæ pestilenti buboni impositus, venenum mirè attrahit. *Discozides & Gesnerus.*

HIRUDINES cum aqua devorata, si ori ventriculi adherent, tractione partium nonnullam suctionis imaginem praebent: eo enim argumento hausta hirudo deprehenditur. * Has muria forbitione excutit, & Cyrenaeus succus, aut laserpitii folia, aut beta, cum aceto, aut pota nivi glebula, cum posca: nitrum ex aqua gargarizatur, aut atramentum sutorium aceto dilatum. Si faucibus haereant, in aquam calidam ingressis, aqua frigida ore contineatur, & ad eam hirudines exilient. *Discozides.*

De RABIOSI CANIS morsu sermonem alii praeposimus, quod id animal domesticum ac frequens esse consuevit, & in rabiem saepius agitur, ac perit, ab eoque caveri difficile: inde periculum inevitabile hominem manet, nisi multis utatur auxiliis. Canis plerumque flagrantissimis aestibus in rabiem effertur: interdum quociens frigora inceserunt. Rabiosus autem potum & escam averſatur: largam spumantemque pituitam naribus & ore projicit: torvè & solito tristius intuetur: in omnes passum sine latratu irruit, & aequè feras hominesque, tam familiares quam ignotos, mordet: nec protinus infestum quiequam infligit, nisi ut vulnus, dolorem: exinde morbus ille, qui ab aqua metu hydrophobicus Graja voce est appellatus, contrahitur. Evenit autè cum distensione nervorum, totiusque corporis rubore, praesertim faciei, cum sudore & languore quodam. Aliqui auræ splendore fugiunt: alii sine ulla doloris intercapedine

vexantur. Sunt etiam, qui cauum more latratus edant, & obviam factos morfu adoriantur, ac mordendo simili vitio labefactent. Proinde ex iis, qui hoc vitium senferint, neminem servarum vidimus, nisi forsitan ex historia nonn aut alterum evasisse audiamus. siquidem Eudemus superasse quendam affirmat. Themisonem aliqui demersum in hunc furorem incidisse, & evasisse fatentur. Alii ipsum cum amico aquam expavescenti morem gereret, & officium exhiberet, quadam naturarum concordia, similem contraxisse affectum: sed post multos tandem cruciatus servatum extitisse. Molestissimum itaq; genus morbi, à quo multos, antequam ipsum experirentur, vindicavimus, & complures ab aliis medicis servatos novimus. * Ratio medendi duplex: una communis, qua utendum in omnes morfus, quos virulentæ animantes impresserunt: alia peculiaris, privataq; eorum duntaxat, quos rabiosi canes momorderint: quæ nonnullis quidem summam opem ferre conluevit: aliis verò inutilis, maxime qui ex multo jam tempore ictum acceperunt. Quæ ad hanc pertinent, primùm exponemus: deinde cursim perstringemus, quæ ad communem medendi rationem pertinent. Canros itaq; fluviatiles in sarpentis albæ vicis cremare oportet, & cinerem eorum quàm minutissimè tritum habere reconditum: itidem gentianæ radicem tusam, cribratamq; reponere. Quoties autem canis rabiosus morsum intulerit, in quatuor cyathos meraci vini, bina cineris canerorum cochlearia, unumq; gentianæ conijciantur: hæc in polentæ dilutionis modum subacta, quatriddo bibantur. Inter principia medicamentum hoc modo detur. Atq; si ab illato morfu bini ternive dies fluxerint, curationem auspicabimur à triplicato pondere, supra id quod ab initio retulimus. Opimum hoc adversus rabiosorum morfus auxilium: quo à & pleriq; unū satisfacit, e oq; cum fiducia uti licet. Sed ut aliis etiamnum auxiliis cõtra inevitabile periculum muniamur, nihil cæteris uti prohibet. Sanius autem multo fuerit, etiam si in vānū recidat, medicamentorum inhumanos tolerare cruciatus, quàm per inertiam ac desidiam in discrimen adduci. Nec ita in demorsu à rabioso animali majora vulnera veteri oportet, uti minora, & ulcusculis cutis similia: quippe majori vulnere confertim copiosus sanguis emanans, potest nonnihil virulenti liquoris exhaustire: quod in minoribus non accidit: quin à majoribus abscedentes carnes hinc auferre, & labia acie scalpelli circumscribere, & prehensam hamulo aut vullella carnem amputare oportet. In utrisq; circumstantia loca altioribus ulcusculis scarificanda, ut copiosior sanguinis vacuatio arceat, ne venenum membratim insinuetur. Cucurbitulæ cum multa flamma agglutinatæ id iuvamenti præstant, ut veneni vis extrahatur. Quæ verò ad communem medendi rationem pertinent, vide apud Dioscor. lib. 6.

IN TER ferientium venenatorum notas, nihil de VESPI & APIBUS particulatim digessi-

mus, quòd conspicuè omnibus sint, & nihil excellens, aut notatu dignum in his observetur: inter remedia tamen earum meminisse non fuit alienum. * Igitur adversus utraq; ictus prodest illita malva, & hordeacea farina cum aceto, ficulneum lac in vulnus instillatum, & muria aut aquæ marinæ fons. *Dioscor.*

DE MORBUS à PHALANGITIS locus quidè ipse quasi ab impactu aculeo rubet; non intumescens, nec per ambitum calidus est, sed mediocriter humescit: ubi verò contrariorum occurrit refrixit, cõsequitur toto corpore tremor, distentiones poplitem & inguinum, convulsionibus non dissimiles: in lumbis collectio exoritur, & perpetua urinæ libido lacessit, multaq; reddendis excrementis colluctatio. Univerfa cute frigidus sudor emanat, collachrymant oculi, offensusque nebulis caligant. * Horum ictibus ficulneum cinerem adjecto sale trito, & vino imponere oportet: aut radicem sylvestris panice quàm tenuissimè tritam: aut aristolochiam cum hordei farina & aceto subactam. Ulcera aquæ maris proluenda, aut apiastris decocto, foliaq; ejusdem illinenda. Lavacris perpetim utendum, & propinandum abrotani semen, anisum, aristolochia, ciccor sylvestre, cuminum Aethiopicum, cedridis tritæ, platani cortex & trifolix herbæ semen: privatim autem singulorū ex iis binas, drachmas dare cum ulni hemina convenientè myricæ fructus, & chamæpityos, & viridium cupressi pilularum decoctum, admisto vino. Sunt, qui fluviatilis cancri expressi succum cum lacte, assumpto apii semine, confectum molestis liberare prædant. *Dioscor.*

SI SCOLOPENDRA, aut dicta ophioclene, morsum intulit, locus per ambitum livore sigillatur, & computrescit: interdum que, li èt raro, fluctentus atque ruber cernitur. A morfu ipso exulcerari locus incipit, ulcusq; id negotium exhibet, ferè remediis invictum: præterea toto corpore prurigo quoque sentitur.

* Hæc ubi morsum infixit, sal quàm levissimè tritus, ex aceto vulneri inspergendus, aut ruta sylvestris superponenda. Locus acida muria fovendus, & danda in potu aristolochia cum vino, aut serpentinum, aut calaminta, aut ruta sylvestris. *Dioscorides.*

SCORPIONIS morfu inflammati statim incipit locus, & indurescit, ac intensus rubet, vicissimque dolore premitur: modò siquidem exstuat, modò frigore occupatur. Labor repente fatigat, & aliquando meliusculè habet, aliquando recrudescit. Consequitur sudor, horroris sensus, & tremor. Extremæ corporis partes refrigerant, inguina extolluntur, per sedem flatus exeunt, capilli eriguntur, pallor membra decolorat, & dolor, tanquam expungente acu, per universam cutem sentitur. * Percussis præsentis est auxilio ficulneum lac in vulnus instillatum. Scorpium ipse, qui ictum vibravit, tritus, & percussio loco impositus, suæ plagæ remedium est, ob eam quãdam naturarum (ut constat) discordiam: quæ antipathia appellatur. Præterea nitus, &

tus, & impositus cum sale, lini semine, & althæa scorpium convenit. Sulphur ignem non expertum, resina terebinthina exceptum, & emplâstri modo adjectum, auxiliatur. Itidem galbanum ad splenii formam ductum & calamintha, quæ trita illinatur, & farina hordei in vino parata, in decocto rutæ. Semen trifolii herbæ tritum, & vulnere injectum opitulatur. Hæc ad affectum locum pertinent. Post hæc quàm efficacissimis potionibus utendum, cujusmodi sunt aristolochiæ, præsertim corticis, binæ drachmæ cum vino, tula gentiana, & pulegium decoctum, & bacæ lauri pauco numero tritæ, & calamintha cum posca, in qua magnopere disciqui debet: cupressus cum vino & ruta, nec secus ficulneum lac: laserpitium, si addit; sin desideretur, peucedani succo utendum: efficacis est potum trifolii & ocyymi semen. Horum autem omnium vicem etiam pensat jugis lavaeri usus, evocatus sudor, & dilute vini potiones. *Dioscorides.*

SI MARINA PASTINACA percussit, protinus accidunt molesti dolores, asidua & vulsiones, lassitudo, & imbecillitas, mens percussis labat, postea obmutescunt: oculi caligant. Percussus autem locus in ambitu cum vicinis partibus denigratur, & ita obstupescit, ut tangentis non sentiat: hunc si quis premat, atra sanies, crassa, & male olens excreniatur. * Et, qui à marina pastinaca icitur, omnia quæ de viperarum morsu paulo post referemus, simili modo conveniunt. Peculiariter autem ictus à marino scorpione, & dracone inferuntur, qui molestos cruciatus cieat: interdum autem, sed raro, nomas excitant. Quibus absinthii, salviæ, aut sulphuris ex aceto triti potio subvenit. Ipsi etiam dissecti, vulnerebusque impositi, sui cuiusque ictus remedio sunt. *Dioscorides.*

A MURÆ ARANEÆ percussus, circa morsum in orbem inflammatio exoritur, nigraq; pustula, diluta sanie turgens exurgit. proximæ partes livent. Kupra pustula, depascens ulcus, non ei dissimile quod serpit, occupat. Intestinorum quoque tormina, difficultas urinæ, & frigida asperginis offusio consequuntur. * Hujus moribus auxiliatur ex galbano splenium, per se vulnere exteriori impositum, ut medicamenti modo aceto tritum, & hordeacea farina cum aceto multo illita. Quinetiam mus ipse, qui morsum intulit, si dissectus apponatur, ictus sui veneficia luit. Resistunt quoque acini dulcis punici decocti, & illititem porri, & alia contrita, nec non aquæ calidæ fons: sed hæc ad locum pertinent. Prodest potum abrotani decoctum, maximè si in vino detur: præterea serpillum & galbanum, & eruca vino madefacta: recentes cupressi pilule cum aceto, & cyclaminus ex aceto multo, & pyrethrum cum vino, & chamæleonis herbæ radix. Nec desunt, qui literarum monumentis tradiderunt, tritum murem araneæ contra suos ictus comode bibi. Quam historiam apud alios inventam, dignam duntaxat censuimus, quæ adnotaretur. Alii asseverant, demorsum non aliàs exulcerari, nisi prægnans mus araneus fuerit: tum sanè auxiliari ferunt. *Dioscor.*

SI VIPERA momordit, corpus intumet, vehementer arefcit, subalbidumque colorè concipit. Sanies à vulnere profunditur, primum subpinguis, mox cruenta, pustula adultis similes erumpunt: & antea depascens ulcus, quod in proxima repens, non summa modò corporis, sed intima quoque corripit. Gingivæ iis cruore suffunduntur: inflammatio circa jecur erumpit: tormina & biliosi vomitus sequuntur. Sopor, tremor, & urinæ difficultas accedit, & frigidus sudor offunditur. * Ubi verò vipera morsum impressit, simum caprinum cum vino studiosè impositum opitulatur. item laurus, & abrotanum, & galbanum splenii loco superjectum, & origanum viride indotum: pulli gallinarum discepti, & confestim admoti: ervi farina vino subacta: radice cortex usque eò tritus, ut in pulverem solutus abeat, & scilla tosta: detritum chamæmelum, hordeaceæ farine cataplasma in aceto multo præparatum: sed locus ante eo calido foveatur: hæc loco imponuntur. Contra viperinos ictus rubus cum vino prodest. Aliqui anchusam tenui folio constantem auxiliari produnt. Leporini coaguli in vino terti oboli bibuntur, & porracei succi hemina in mero, & foliorum apiastri succus, & sylvestris ruta, hæc in vino potari debent. Vinum frequenter bibendum, allia mandenda, & cepæ, & porri recentes, salsamenta acerrima, & opipara, simplicia hæc sunt. Percussis à vipera præclarè auxiliatur medicamentum, quod myrrha, piperris, castorei, floris portulacæ seminisque, dimidio acetabulo constat: hæc omnia in Cretico paslo teruntur, aut in alio probato. Erasistratus in eolibro, qui de viribus inscribitur, pleraque alia tradidit, quæ ictus à vipera auxilium ferre possunt: inter quæ ralia maximè laudantur: Gallinacea cerebella cum vino pota: semen sativæ brassicæ tritum, & acetabuli mensura cum vino potum. Quinetiam bonum est, digitum in liquidam picem intingere, deinde vinum, quo digitus fuerit elutus, bibere. *Dioscorides.*

CONSIMITIA supradictis in vipera eveniunt iis, qui à CÆCILLIA nomine, & AMPHIBÆNÆ demorsu sunt, eademque ferè auxiliantur, quare hoc venenum privatam descriptionem sortitum non est: neque visum est dignum, quod alio genere comprehendatur. De iis autem mentionem hoc loco fecimus, quoniam ferè remediis ad viperas scriptis, perculli ab eis adjuvari soleant. *Dioscorides.*

A DRYINO morsu pustula, molestique dolores incidunt, præsertim quæ dilute sanie emissarium subest: quinetiam erosio, torminaque, consequuntur. * Ab eo ictus convenit aristolochia cum vino pota, trifolium herba, radix hastulæ regiè similiter assumpta, & fructus ex omni glandiferarum arborum genere: & tusæ ilicis radices, & illitæ parti ictæ auxiliantur. *Dioscor.*

Ab HÆMORRHOÏ ictis vehementes cruciatus accidunt, qui angusta contractaque corpora ex continuo dolore reddunt. Ex plaga copiosus sudor effluit, & quæcumque parte corporis

cicatrix ulla fuerit, ea sanguine manat. Excre-
mēta per alvum eruenta ejiciuntur, profluensq;
sanguis in globo coit. A pulmone sanguinem
extulsiunt, & in vomitiones effusi sine remedio
commoriantur. Quos verò diptas percussit, so-
lutus ac non constrictus tumor premit, sitisque
ulq; eò pertinax, ut satiari non possit, ac sine ulla
intercapedine exerceat: & si potum pleno ore
affatum trahant, illud in eandem sitim relabun-
tur: proinde toto habitu similes sunt iis, qui an-
tea potus nihil hauserint. quare propter conti-
nuam sitim, & prestet, & caufon, aut diptas ap-
pellatur. Hemorrhoi, diptadisque morius velut
immedicabiles à plenisque majorum deplorati
relinquebantur. quare si peculiaribus contra di-
ptadem remediis egeamus, communia experiri
operæ precium erit. * Protinus autem scarifica-
tione uti, ustionem facere, & si locus patitur,
extremorum amputatione opus erit: cōsequen-
ter quàm acerrima cataplasmata admovere, de
quibus sæpenuerò diximus. Nec me fugit, ac-
res cibos, maxime à salsamentis, utiles esse. Me-
racæ potiones, & lavacra profunt, quæ subinde
interjecto brevi spacio assumenda sunt, prius-
quàm morbi genus emerferit. quo semel erum-
pente, opem ferre non potest ulla Medici opera.
In ictu hemorrhoi eadem profunt. Insuper quæ
in cōmune opitulatur, ut scarificationes, ustio-
nes, acres cibi, meraci potus, & quæ nunc in di-
ptade desinivimus. Quinetiam decocta vitis fo-
lia, & cum melle trita. *Dioscوريدes.*

Ab NATRICE demortis ulcus dilatur, &
lividum ac ingens evadit. Sanies ex eo multa, &
atra, & malè olens, non secus atq; iis quæ serpunt
ulceribus, expuitur. * Si ergo morsum natricæ ad-
egit, prodest origanum tritum, & aqua subactum;
lixivia cum oleo indita, aut aristolochiæ cortex,
aut querna radix monutum contrita, & hordei
farina cum aqua & melle colliquata. Bibuntur
etiam binæ aristolochiæ drachmæ in portione
poscæ cyathis duobus, deinceps martubii succus,
vel decoctum alterius cum vino: fustus recens de-
tur in aceto. *Dioscوريدes.*

GENCHRI morsum, qui viperino ictui si-
milis est, putridum ulcus sequitur. carnes antea,
ut in aqua inter cutem, prætumida desuunt: le-
thargo corripuntur, & veterno pressi somnos
captant. Erasistratus eos jecinore, intestino jeju-
mo, coloque conficari, auctor est. quippe disse-

A tis ipsis, omnes ferè partes corruptæ reperiu-
tur. * Morsus à cenchro auxiliatur lactuca fru-
ctus cū lini semine illitus, & satureja trita, & lyl-
vestris ruta, & serpilli, cum duabus haustule regie
drachmis, & tribus vint cyathis, aut aristolochiæ
radix. item cardamomum & gentiana. *Diocor.*

A CERASTE percussis locus attollitur, cum
duritia pustulosus: è plaga sanies profuit, mo-
dò atra, modò pallidior, sed toto concretu vari-
cosus, intumescit: genitale intenditur, mens la-
bat, & oculorum caligo exoritur: deniq; rigore
nervorum dissentit commoriantur. * Si cerastes
percussit, cita partis amputatio suffragatur,
quare sine mora itam partem amputare, aut
scalpro confectum circumcidere, & iis similia
prosequi oportet. Ureña in super reliquis ad-
movenda: siquidem virus hoc veneno basilisci
simile est. *Dioscوريدes.*

Ab ASPIDE ictus vulnus exiguum profus,
quasi ab adacta acu citra tumorem conspicitur:
sanguis exiguus ille quidem, sed ater diffusat: ca-
ligo velox oculos obnubit: labor in totum cor-
pus multiplex, omnino levis, & non sine volu-
ptate consequitur. Ideò Nicander perpulchrè
cecinit: At vir perit absq; labore, virens atq; dil-
color. mediocri stomachi dolor afficit: frons
perpetuò resillitur: genæ contremiscunt, quasi
sine sensu in somno vellicent. hos mors tollit ad
dies trientem non dilata. * Cæterum iis qui ab
aspide feriuntur, quæ de ceraste scripæ sunt, au-
xilia dari debent. Nam venenum hoc, quemad-
modum basilisci celerrimè in arteriis sanguinem
cogit. *Dioscوريدes.*

ERASISTRATUS in libro, quem de medi-
caminibus & venenis condidit, de vocato BASI-
LISCO scitè ita refert: Cum basiliscus mor-
morderit, vulnus ad auri colorem efflavescit.
Itaque in plorimis, quæ virus ejaculantur, comi-
tes nota ita se habent. * Ad basilisci morsum, ut
idem Erasistratus auctor est, auxiliatur castorei
drachma in vino posæ: item papaveris succus.
Ictuum remedia ita se habent. *Dioscوريدes.*

TARANTULÆ in Apulia innumera va-
gantur. Icti ab his diverse torquentur. siquidem
alii perpetuò canunt, alii rident, alii plorant, alii
claustrant, alii dormiunt, alii vigiliis afficiuntur:
nonnulli saltant, pleriq; vomitionibus laborant,
suntque phreniticis ac maniacis similes. * Hu-
jusce veneni vis multica mulcet. *Mattiolus.*

De Animalium partibus, Sectio XXI.

CEREBELLA passerum Vere & autum-
no captorum reponuntur cum vitello ovi
& melle: vel Sole aut cinere succata. *Medi-
ci Colonienfes.*

TERRESTRIS, LEPORIS inassatum ce-
rebrum manditur, * juvenis tremoribus, qui
valetudine contracti sunt: affricu aut cibo faci-
lem infantibus dentitionē præstat; exultu caput,
& cum adipe urfino aut aceto illitum, alopecia-

rum inanitatibus medetur. *Dioscوريدes.*
CAPUT LACERTÆ parietaria, & rana scilicet
tela ac spicula è corporibus detrahunt. *Mixaldu.*

CAPUT CATI omnino nigri, in nova olla
aduritur, & incineratur, ex eoq; ad lavorem, &
tenissimum pollinem deducto, nonihil per tu-
bulum pennæ mundæ, in oculum quotidie ter
insufflatur: ad oculorum vitia, unguen. nebulam,
albuginem, & alia remedium præstantissimum
est. *Si*